

## Morning Regional

01 Dec. 2025

- संसद दा स्याले आहला इजलास अज्ज शुरु होआ रदा ऐ- जम्मू-कश्मीर थमां नमें चुनोए दे 3 राज्यसभा सदस्य अज्ज ओहदे ते राजदारी दी सगंध चुक्कगंत।
- उपमुख्यमंत्री सुरिन्दर चौधरी होरें आखेया ऐ श्रमक मजूर जम्मू-कश्मीर दी अर्थबवस्था दी रीढ़ न ते 2025 आहला जम्मू-कश्मीर शॉप्स एंड एस्टब्लिशमेंट बिल इक ऐतिहासक गैंह ऐ।
- मुख सचिव होरें मुबारकमंडी हैरिटेज कैफ्टीरिया दा उदघाटन कीता- मबारकमंडी च गै बहुमंजला पार्किंग दा नींह पत्थर रखेया।
- 42मीं जूनियर राष्ट्रीय टैक्नीकॉयट चैम्पियनशीप कल जम्मू च सम्पन्न- तमिनाडू नै जित्ती ओवर ऑल ट्रॉफी।
- आकाशवाणी जम्मू अज्ज अपना 79मां स्थापना दिवस मना करदा ऐ।

< < < < < <

अज्ज संसद दा स्याले आहला इजलास शुरू होआ करदा ऐ। जम्मू-कश्मीर थमां नमें नमें चुने गेदे त्रै सांसद अज्ज पैहली दिसंबर गी राज्यसभा च ओहदे ते राजदारी दी सगंध चुक्कडन। इ'नें त्र'ऊं सांसदेनं च शम्मी आंबराय, सज्जाद अहमद किचलू ते चौधरी मोहम्मद रमजान शामिल न, जिनेंगी उपराष्ट्रपति ते राज्यसभा दे चेयरमैन सी.पी राधाकृष्णन होर सगंध चुकाडन। राज्यसभा दे चुनाएं च त्रै सीटां नेशनल कांग्रेस नै जित्तियां हियां जिसलै जे बीजेपी गी छड़ी इक्के सीट पर जित्त हासल होई ही। बीजेपी दे सांसद सत शर्मा होर पैहले गै एह सगंध चक्की चके दे न।

2026-27 बरे लेई बजट तयार करने दे इक हिस्से दे तौर पर खजाना मैहकमा पैहली दिसम्बर थवां बजट प्रस्ताव पर चर्चा शुरु करोग। आकाशवाणी जम्मू संवाददाता दी रिपोर्ट मुजब प्रशासनिक सचिवें गी सूचित कीता गया ऐ जे 36 मैहकमे कन्नै एह चर्चा 16 दिसम्बर तगर जारी रोहगा। इस दौरान 2025-26 आहले बजट पर चर्चा ते 2026-27 लेई बजट तयार करने पर विचार-विमर्श होग। इस दौरान राजस्व खर्चे कन्नै प्रायोजित स्कीमें- PMDP ते दोआर सरबन्धी चीजें पर बी ध्यान दिता जाग।

<><><><><><>

## Dy. CM Labourers

उपमुख्यमंत्री सुरिन्दर चौधरी होरें आखेया ऐ जे श्रमिक मजूर जम्मू-कश्मीर दी अर्थबवस्था दी रीढ़ न ते सरकार उनेंगी पूरा सम्मान- सुरक्षा ते कम्म-रोजगार दी गारंटी जकीनी बनाने लेई पूरी चाल्ली वचनबद्ध ऐ। कल जम्मू च श्रम ते रोजगार मैहकमे आसेया आयोजित “सशक्त श्रम शक्ति” विषय पर आयोजित इक कांफ्रेंस गी सम्बोधित करदे होई उपमुख्यमंत्री होरें आखेया जे 2025 आहला हट्टियें-दकानें ते होरनें बपारिक प्रतिष्ठानें आहला विधेयक इक ऐतिहासिक सुधार ऐ- जेहदे नै कम्मगारें गी सुरक्षा प्रदान हुंदी ऐ ते उन्दे हितें दी राक्खी यकीनी बनदी ऐ। कार्यक्रम दौरान सुरिन्दर चौधरी होरें बक्ख-बक्ख श्रम कनूनें तैहत श्रमिकें गी इक करोड़ 99 लक्ख 35 जहार 721 रपे दे चैक भेंट कीते। मीडिया आहलें कन्नै गल्ल करदे होई उपमुख्यमंत्री होरें आखेया

<><><><><><>

## Sulai Honey

कल दे प्रधानमंत्री हुंदे “मन की बात” कार्यक्रम च रामबन दे सुलाए मक्खीर दा जिक्र करने कन्नै उसी राष्ट्री स्तर पर मान्यता हासल होआ रदी ऐ ते उसदी प्रमुखता बधदी जा करदी ऐ। जंगली फुल्लें थमां भौर दी मक्खियें आसेया पैदा कीते गेदे इस अनोखे मक्खीर गी हाल दे बरे च जी.आई. टैग बी दिता गया ऐ। भौर पालन दे जिला अधिकारी Ayaz Ahmed Rishu होरें दस्सेया जे सुलाए मक्खीर दा बक्खरा स्वाद ते सेहत सरबन्धी फायदे इसगी कीमती ते बक्खरा बनांदे न ते जेहदे कन्नै इसदी लोकप्रियता ते मंग होर बद्धी जा करदी ऐ। उनें आखेया

<><><><><><>

## CS Mubarak Mandi

मुख्य सचिव अटल डुल्लु होरें जम्मू च स्मार्ट-सिटी पैहलकदमी तैहत विकसत कीते गेदे मुबारक मंडी Heritage Cafeteria Cum Library दा उदघाटन कीता। इस सुविधा दा मकसद औने आहलें गी इक विशेष थाहर उपलब्ध करोआना ऐ। उनें मुबारक मंडी च इक बहुमंजिला पार्किंग परिसर दा बी नींह पत्थर रखेया। Dogra Heritage Architecture कन्नै डिजाइन कीती गेदी इस पार्किंग च 200 कारें ते 50 दो-पहिया वाहनें दे खडेरने दी जगह ऐ। इस कार्यक्रम दरान बक्ख-बक्ख मैहकमे दे अधिकारी बी इस मौके पर मौजूद हे। इस मौके उप्पर बोलदे होई मुख्य सचिव होरें आखेया

<><><><><><>

## Tennikoit Championship

जम्मू दे ग्रीन फील्ड गांधी नगर मैदान च आयोजित 5- रोजा 42मीं जूनियर राष्ट्रीय टेन्नीकाँयट चैम्पियनशीप कल सम्पन्न होई गेई-जेहदे च तमिलनाडू नै ओवर ऑल चैम्पियन आली ट्रॉफी अपने नां कीती। 26 नवम्बर गी शुरु होई दी इस राष्ट्रीय सतह दी चैम्पियनशीप च 23 राज्यें ते केन्द्र शासित प्रदेशें थमां कोई साड्डे 5 सौ कोला मते खडारियें हिस्सा लैता। जम्मू च टेन्नीकाँयट दी इस दर्जे दी एह पैहली-पैहली चैम्पियनशीप ही जेहदे च खडारियें दा बड़ा मता उत्साह दिक्खने गी लब्बा। युवा सेवाएं ते खेड्डें सरबन्धी मंत्री सतीश शर्मा ते मुख्यमंत्री हुंदे सलाहकार नासिर असलम वानी होरें जेत्तुएं गी सम्मानित कीता ते उन्दे प्रतिभा ते अनुशासन

दी सराहना कीती। मंत्री सतीश शर्मा होरें इस मौके आखेया जे जम्मू-कश्मीर लेई एह इक मात्रै आहली गल्ल ऐ ते सरकार इत्थै खेडुं गी बढावा देने लेई लोडचदे सब्बै मुमकिन हीलें करै करदी ऐ।

<><><><><><>

### AIR-Foundation Day

आकाशवाणी जम्मू अज्ज अपनी स्थापना दी 78मीं बरे गंड मना करदा ऐ। अज्जै दे रोज 1947 च जम्मू दे रणबीर हायर सैकेंड्री स्कूल दे इक कमरे च रेडियो जम्मू दी शुरुआत होई ही। उसलै एहदा नां रेडियो कश्मीर जम्मू हा- इस मौके पर अज्जे बड्डलै साड्डे 9 बजे इक विशेष फोन- इन प्रोग्राम प्रसारित कीता जाग। श्रोताएं गी इस कार्यक्रम च फोन करियै अपने बचार, शुभकामनां ते बधाइयां सांझियां करने आस्तै आखेया गया ऐ। कार्यक्रम च शामिल होने लेई तुस इनें नम्बरें पर फोन करी सकदे ओ-0191 2563476, 0191-2563473 ते 0191-2563459। इस कार्यक्रम दा मकसद आकाशवाणी जम्मू दी सुनहरी यात्रा दा जश्न मनाना ते श्रोताएं दी हिस्सेदारी कन्नै इस ध्याडे गी यादगार बनाना ऐ।

<><><><><><>

### Prog. Announcement

आकाशवाणी दा क्षेत्रीय समाचार एकांश जम्मू कल पैहली दिसंबर गी एड्स दी रोकथाम सरबन्धी कुल संसारी ध्याडे दे मौके पर 25एं मिन्टें दी इक विशेष चर्चा प्रसारित करने जा'रदा ऐ जेहदा विशे ऐ "जागरूकता गै सुरक्षा ऐः" एच.आई.वी गी जानो ते एड्स गी रोको। एह कार्यक्रम सोमवारें कल पैहली दिसंबर गी दिनें 12 बजे प्रसारित कीता जाहगा। इस विशेष प्रसारण च साढे परौहने होडन जम्मू-कश्मीर एड्स कंट्रोल सोसायटी दे आई.ई.सी डिविजन दे असिस्टेंट डायरेक्तर रिशीष खजुरिया होर जेहडे इस विशे पर अपने माहिराना विचार श्रोताएं कन्नै सांझे करडन। कार्यक्रम दी मेजबानी साढे एंकर जगमोहन शर्मा होर करडन। एह कार्यक्रम मीडियम वेव 303 मीटर यानि 990 किलोहर्टज ते एफ.एम 100 अशारिया 3 मैगाहर्टज पर प्रसारत कीता जाहगा।

<><><><><><>

### Cricket J&K

कोलकाता दे Eden Garden च Syed Mushtaq Ali Trophy दे मैच च जम्मू-कश्मीर नै बिहार गी 34 रन्जें कन्नै हराई दिता। पैहले बल्लेबाजी करदे होई जम्मू-कश्मीर नै 9 विकेटें दे नुक्सान पर 159 रन्ज दा स्कोर बनाया। जम्मू-कश्मीर दी तरफा कामरान इकबाल नै सब्बनें थमां मते 40 गेदें च 64 रन्ज बनाए। परता दिंदे होई बिहार दी टीम 9 विकेटें दे नुक्सान पर शडे 125 रन्ज गै बनाई सकी। Auqib Nabi Dar होरें जम्मू-कश्मीर दी तरफा शानदार गेंदबाजी दा प्रदर्शन कीता। इस जित्त कन्नै जम्मू-कश्मीर दी टीम दा आत्मविश्वास होर बधी गया ऐ।

<><><><><><>